

J. Klapper, Beschwörungsformeln bei Gewinnung der
Wünschelrute (in Mitt.d.Schles.Ges.f.Vkde.VII(1905)

Heft 14, S. 55 f.

fol. 14b. Hic Introducitur virgula coruli.

Item ste auf an einem pfincztag oder freitag luna
crescente gee zu der kirchen mit gueter andacht
vnde mit deme gepett vnde sprich mit dem priester
das Confiteor vnde sprich mit im dy mess vnde
opfer einen silbernen pfenning, In den ern der hei-
ligen drey künig vnde such dann dy zuten der has-
len. vnde merck zwo dy nive jaring sein vnde vall
nider auf dy knie gegen osten, das ist aufgang
der sunn vnde liss ewangelium....*)

Darnach sprich: O herre erhor mein gepett vnde
mein ruffen kom zu dir. vnde sprich III pater
noster vnde stee dann auf vnde ker dich gegen der
sunn vnd sprich zu den zuten als sy auf dem stam
stend: In dem nam des vaters han ich euch gesucht.
In dem nome des suns han ich euch gefunden. In
dem name des heiligen geistz sneid ich euch ab.
vnd nim dann ein messer vnd sneid in dy erst zu-
ten ab bertz ainen snit vnd sprich dy wort;
Egrediet virga de radice yesse. Von der wurczen
yesse sol auf gen ein zuten. dar nach tue den an-
dern snit ent gegen auch ab wertz vnd sprich: Et
flos de radice eius ascendet. Von der selben
wurcz sol auf gen ein pluemen. des gleichs sneid
dy andern zuten auch ab. dann so nim dy czwo zu-
ten vnd mach sy eben lanck vnd vall nider auf
chnie gegen Suden das ist mittag vnd sprich: O
ewiger almechtiger lebendiger gotes sunn verhor
vnd gedenk czu meiner begir. O Got schepfer him-
mels vnd der erden. durch deiner gotlicher vnbe-
greiflicher kraft dy du geborcht hast von anfang
der werld, So verman ich dich das du ansehest
mein begern vnd mein versuchen in disen zuten das
in ir kraft bereit sey czu der sach der rechten
warhait dy ich armer sunder beger zu vnderricht
werden.

O got santus der ewigen weishait durch alle dy
kraft dy du hast geborcht In dem firmament der
sunnan des mans aller stern vnd der sibben plane-
ten Verleich mir armen sunder deiner creatur vnd

+) Gemeint ist das Johannesevangelium: In principio erat
verbum.